

王川趙氏文獻考卷之一

推忠奮義翼戴彌成克復三韓壁上功臣三重大匡輔  
國光祿大夫檢校門下侍中典工判書王川府院君謚  
忠獻農隱先生神道碑銘 并序

蓋當麗氏之末上下無政彝倫斁塞時則有若農隱趙公與  
圃冶諸賢並志同揆嚴華夷之別尊紫陽之學撥亂反正事  
功偉然而文獻斷續有難折衷後孫等爲是之懼問及於不  
佞余謂只因其家傳舊錄而隨所見聞補其不足者庶幾寡  
過矣乎謹按公諱元吉字聖仲一云太初系出王川卽今淳  
昌郡曾祖檢校大將軍諱璋祖奉翊大夫版圖判書諱洪珪